

Sarajevo, na 33. sjednici održanoj 02.11.2023. godine, donijela je

**ODLUKU**  
**O PRIHVATANJU MOLBE UDRUŽENJA SARAJEVO**  
**SUSRET KULTURA ZA SUFINANSIRANJE PROJEKTA**  
**"RATNE LJUBAVI" - I FAZA**

I

Prihvata se molba Udruženja Sarajevo susret kultura za sufinansiranje projekta "Ratne ljubavi" - I faza u iznosu od 14.520,00 KM (slovima: četrnaest hiljada pet stotina dvadeset i 00/100 konvertibilnihmaraka).

II

Sredstva iz tačke I ove odluke obezbijedit će se preraspodjelom sa razdjela Ministarstva kulture i sporta Kantona Sarajevo na razdjel Kabineta premijera Kantona Sarajevo.

III

Ovlašćuje se šef Kabineta premijera Kantona Sarajevo da zaključi sporazum o sufinansiranju projekta "Ratne ljubavi" - I faza i daje se saglasnost Kabinetu premijera Kantona Sarajevo za isplatu iznosa navedenog u tački I ove odluke.

IV

Za realizaciju ove odluke zadužuju se Kabinet premijera Kantona Sarajevo, Ministarstvo kulture i sporta Kantona Sarajevo i Ministarstvo finansija Kantona Sarajevo, svako u okviru svoje nadležnosti.

V

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-46145-33.2/23

02. novembra 2023. godine

Sarajevo

Premijer

**Nihad Uk, s. r.**

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 19. stav (1) alineja 3), 21. stav (4) i (5), 22, 23., člana 30. stav (1) i (4) Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", broj 86/07, 24/09, 44/10 i 30/16) i Poglavlja II tačka 3 i 4. Procedura zaduživanja Kantona Sarajevo na osnovu vanjskog i unutrašnjeg duga i izdavanja garancija ("Službene novine Kantona Sarajevo", broj 10/11 i 07/19), Vlada Kantona Sarajevo na 43. vanrednoj sjednici održanoj 13.11.2023. godine, donijela je

**ODLUKU**  
**O DUGOROČNOM KREDITNOM ZADUŽENJU**  
**KANTONA SARAJEVO U IZNOSU DO 3.800.000 KM**  
**KOD RAZVOJNE BANKE FEDERACIJE BOSNE I**  
**HERCEGOVINE**

I

Kanton Sarajevo (u daljem tekstu: Kanton) zadužuje se dugoročnim kreditom kod Razvojne banke Federacije Bosne i Hercegovine (u daljem tekstu: Banka) u iznosu do 3.800.000 KM, u formi direktnog unutrašnjeg duga.

II

Kreditna sredstva iz tačke I ove odluke namijenjena su za finansiranje sljedećih kapitalnih projekata, a prema članu 4.

Budžeta Kantona Sarajevo za 2023. godinu ("Službene novine Kantona Sarajevo", broj 15/23), i to:

Subanalitika	Opis	Iznos (KM)
	Ministarstvo unutrašnjih poslova Kantona Sarajevo	
HAX028	Izgradnja novih objekata za potrebe Ministarstva	2.000.000,00
	<b>UKUPNO</b>	<b>2.000.000,00</b>
	Ministarstvo unutrašnjih poslova Kantona Sarajevo – Uprava policije	
HBX001	Nabavka opreme	1.800.000,00
	<b>UKUPNO</b>	<b>1.800.000,00</b>
	<b>SVEUKUPNO</b>	<b>3.800.000,00</b>

III

Kreditna sredstva Banka odobrava pod sljedećim uslovima:

- ukupan iznos kredita do 3.800.000 KM
- rok otplate do 12 godina
- grace period do 12 mjeseci (uključen u rok otplate)
- kamatna stopa 2,90 % fiksno, na godišnjem nivou
- provizija Banke 0,30 % jednokratno od iznosa odobrenog kredita

IV

Zaduženje se vrši uz poštovanje odredbi člana 7. Zakona o dugu, zaduživanju i garancijama u Federaciji Bosne i Hercegovine i u okviru ograničenja duga utvrđenog Zakonom o izvršavanju Budžeta Kantona Sarajevo za 2023. godinu.

V

Ugovor o kreditu, između Kantona i Banke, kao i instrumente osiguranja kredita koji proizilaze iz ugovora potpisat će Ministar finansija Kantona Sarajevo.

VI

Sredstva za servisiranje kredita iz tačke I ove odluke, obezbijedit će se u budžetima Kantona svake godine, za cijeli period trajanja obaveze.

VII

Kanton će izdati bjanko ovjerene i potpisane mjenice sa ovlaštenjem za popunu kao instrument obezbjeđenja kredita, a u skladu sa ugovorom iz tačke V ove odluke.

VIII

Tehnički dio projekata koji će se finansirati iz ovog kredita realizovat će Ministarstvo unutrašnjih poslova Kantona Sarajevo.

IX

Za implementaciju projekata i praćenje realizacije ove odluke zadužuju se Ministarstvo unutrašnjih poslova Kantona Sarajevo i Ministarstvo finansija Kantona Sarajevo, svako u okviru svoje nadležnosti, sa obavezom polugodišnjeg izvještavanja Vlade Kantona Sarajevo i Skupštine Kantona Sarajevo o realizaciji kredita.

X

Najkasnije u roku od 30 dana od dana zaduženja Ministar finansija Kantona Sarajevo će Vladi Kantona Sarajevo dostaviti izvještaj o nastaloj obavezi.

XI

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-48963-2/23

13. novembra 2023. godine

Sarajevo

Premijer

**Nihad Uk, s. r.**